



## INFORME DE INTERVENCIÓN

**Asunto:** Avaliación do cumprimento do obxectivo de estabilidade orzamentaria na liquidación a 30 de setembro de 2012 para o seguimento do Plan Económico Financeiro 2012-2013

### **1. ANTECEDENTES.**

---

Pola Intervención da Deputación emitiuse informe o 1 de xuño de 2012 de avaliación do cumprimento do obxectivo de estabilidade orzamentaria na liquidación dos orzamentos de 2011 no que se concluíu que a mesma, a nivel consolidado, non cumpre co obxectivo de estabilidade orzamentaria ao presentar unha necesidade de financiamento de 67.144.675,28 €, de acordo coa definición contida no Sistema Europeo de Contas Nacionais e Rexionais. Esta necesidade de financiamento foi consecuencia das obrigas recoñecidas financiadas con remanente de tesourería por modificacións orzamentarias financiadas con remanente de tesourería, un recurso xerado pola propia entidade derivado de economías dos exercicios precedentes. No caso de realizar un axuste polas obrigas anteriores e logo de aplicar o marxe do 4,39% establecido polo acordo da Subcomisión de Réxime Económico, Financeiro e Fiscal, da Comisión Nacional de Administración Local (CNAL), non sería necesario aprobar un plan económico financeiro (en diante PEF).

O Pleno da Excm. Deputación Provincial de Lugo en sesión ordinaria celebrada o día 26 de xuño de 2012, adoptou o acordo de aprobación do PEF para o periodo 2012-2013. O dito Plan foi obxecto de aprobación definitiva por Resolución da Dirección Xeral de Política Financeira e Tesouro da Xunta de Galicia de data 20 de xullo de 2012.

No citado PEF conclúese que a proxección da liquidación dos orzamentos 2012 en termos de contabilidade nacional reflicte un saldo non financeiro de necesidade de financiamento para a Deputación e o Inludes, mantendo os ritmos de execución dos anos 2009 a 2011 e separando as obrigas do propio exercicio das procedentes de incorporación de remanentes por ter un diferente nivel de execución, necesidade de financiamento que se atoparía dentro da porcentaxe establecida pola Comisión Nacional de Administración Local para a liquidación 2011 (4,39 % INF). A liquidación 2012 do Consorcio de bombeiros amosaría una capacidade de financiamento. A proxección do orzamento e a liquidación de 2013, en termos de contabilidade nacional, amosaría estabilidade orzamentaria sempre que o ritmo de execución das obrigas do exercicio e de incorporacións se manteña na media dos anos 2009-2011 e o grao das incorporacións de remanentes de crédito non superen o 67%.

Conforme ao establecido no artigo 24 da Lei orgánica 2/2012, de 27 de abril, de estabilidade orzamentaria e sostibilidade financeira (en adiante LOE) *"nas corporacións locais o informe de seguimento efectuarase semestralmente, en relación ás entidades incluídas no ámbito subxectivo dos artigos 111 e 135 do texto refundido da lei reguladora das facendas locais, polo Ministerio de Facenda e Administracións Públicas, ou no seu caso, pola Comunidade Autónoma que exerza a tutela financeira"*.

A pesar de que a LOE establece a obriga de seguimento semestral do PEF aprobado, esta Intervención elabora o presente informe de seguimento trimestral a 30 de setembro de 2012 coa intención de adiantarse a posibles desaxustes nos ritmos de execución posibilitando así a adopción de medidas de axuste extraordinario, no caso de ser necesarias, que permitan a súa corrección.

## **2. ÁMBITO SUBXECTIVO DE APLICACIÓN.**

---

Tendo en conta que no informe da avaliación do obxectivo de estabilidade orzamentaria emitido pola Intervención con data 1 de xuño concluíase que a necesidade de financiamento a nivel consolidado de 67.144.675,28 € produciase polos déficits xerados na Deputación de Lugo, no Inludes e no Consorcio de Bombeiros e que, como consecuencia do anterior o PEF aprobado analiza as proxeccións das liquidacións destes tres entes e polo que o análise da verificación do cumprimento do PEF refírese unicamente aos tres entes citados e non ao conxunto que integraría o ámbito subxectivo de aplicación do análise da estabilidade orzamentaria.

## **3. CONSOLIDACIÓN DAS LIQUIDACIÓNS A 30 DE SETEMBRO DE 2012**

---

De conformidade co disposto no artigo 115 do R.D. 500/90, para efectuar a consolidación dos orzamentos anteriores, deberán harmonizarse os estados de gastos e ingresos e efectuar a eliminación das operacións internas. Os axustes que proceden por eliminación destas operacións internas serían:

a) Deducción por transferencias correntes da Deputación de Lugo en 2012 a:

|                             |                |
|-----------------------------|----------------|
| 1. INLUDES.....             | 7.722.622,60 € |
| 2. CONSORCIO BOMBEROS ..... | 2.152.540,67 € |
| TOTAL .....                 | 9.875.163,27 € |



## LIQUIDACION A 30/9/2012

|                                      |        | DEPUTACIÓN    | INLUDES      | CONSORCIO BOMBEROS | AXUSTES POR TRANSFER. INTERNAS | TOTAL         |
|--------------------------------------|--------|---------------|--------------|--------------------|--------------------------------|---------------|
| I<br>N<br>G<br>R<br>E<br>S<br>O<br>S | CAP. 1 | 3.156.591,27  | 0,00         | 0,00               | 0,00                           | 3.156.591,27  |
|                                      | CAP. 2 | 2.856.484,49  | 0,00         | 0,00               | 0,00                           | 2.856.484,49  |
|                                      | CAP. 3 | 4.816.062,06  | 122.659,31   | 0,00               | 0,00                           | 4.938.721,37  |
|                                      | CAP. 4 | 41.291.973,16 | 7.371.151,78 | 2.412.955,39       | -9.875.163,27                  | 41.200.917,06 |
|                                      | CAP. 5 | 546.942,20    | 47.843,16    | 1.128,22           | 0,00                           | 595.913,58    |
|                                      | CAP. 6 | 539.790,25    | 19.133,85    | 0,00               | 0,00                           | 558.924,10    |
|                                      | CAP. 7 | 2.189.675,34  | 1.072.008,40 | 0,00               | 0,00                           | 3.261.683,74  |
|                                      | CAP. 8 | 179.722,10    | 28.950,00    | 0,00               | 0,00                           | 208.672,10    |
|                                      | CAP. 9 | 634.748,71    | 0,00         | 0,00               | 0,00                           | 634.748,71    |
| TOTAL                                |        | 56.211.989,58 | 8.661.746,50 | 2.414.083,61       | -9.875.163,27                  | 57.412.656,42 |

|                            |        | DEPUTACIÓN    | INLUDES       | CONSORCIO BOMBEROS | AXUSTES POR TRANSFER. INTERNAS | TOTAL         |
|----------------------------|--------|---------------|---------------|--------------------|--------------------------------|---------------|
| G<br>A<br>S<br>T<br>O<br>S | CAP. 1 | 12.003.339,93 | 2.486.431,52  | 15.248,43          | 0,00                           | 14.505.019,88 |
|                            | CAP. 2 | 6.272.574,74  | 1.052.143,17  | 2.141.103,95       | 0,00                           | 9.465.821,86  |
|                            | CAP. 3 | 624.114,99    | 0,00          | 0,00               | 0,00                           | 624.114,99    |
|                            | CAP. 4 | 21.710.785,51 | 279.832,66    | 0,00               | -9.875.163,27                  | 12.115.454,90 |
|                            | CAP. 6 | 13.688.387,37 | 4.711.260,49  | 0,00               | 0,00                           | 18.399.647,86 |
|                            | CAP. 7 | 2.694.133,40  | 50.296,88     | 0,00               | 0,00                           | 2.744.430,28  |
|                            | CAP. 8 | 180.240,00    | 38.000,00     | 0,00               | 0,00                           | 218.240,00    |
|                            | CAP. 9 | 7.442.751,88  | 0,00          | 0,00               | 0,00                           | 7.442.751,88  |
|                            | TOTAL  |               | 64.616.327,82 | 8.617.964,72       | 2.156.352,38                   | -9.875.163,27 |

## SALDO ORZAMENTARIO NON FINANCIERO:

|  |               |              |              |               |               |
|--|---------------|--------------|--------------|---------------|---------------|
| TOTAL INGRESOS NON FINANCIEROS (capítulos 1 a 7) | 55.397.518,77 | 8.632.796,50 | 2.414.083,61 | -9.875.163,27 | 56.569.235,61 |
| TOTAL GASTOS NON FINANCIEROS (capítulos 1 a 7)   | 56.993.335,94 | 8.579.964,72 | 2.156.352,38 | -9.875.163,27 | 57.854.489,77 |
| NECESIDADE / CAPACIDADE DE FINANCIAMENTO         | -1.595.817,17 | 52.831,78    | 257.731,23   | 0,00          | -1.285.254,16 |

A partir dos criterios contidos no "Manual de cálculo do déficit en contabilidade nacional adaptado ás Corporacións Locais (1ª edición)" elaborado pola Intervención Xeral de Administración do Estado cómpre a realización dunha serie de axustes nas magnitudes orzamentarias anteriores para adaptar a información contable aos criterios de Contabilidade Nacional contidos no Sistema Europeo de Contas Nacionais e Rexionais (SEC-95). Tivéronse en conta as seguintes consideracións:

▪ **Nos datos da Deputación de Lugo:** (preséntase no anexo 1 o resumo dos importes tidos en conta aos efectos de contabilidade nacional do orzamento de ingresos)

1. **Rexistro en contabilidade nacional dos impostos, cotizacións sociais, taxas e outros ingresos:** para os ingresos contabilizados nos capítulos I, II e III (agás os impostos cedidos parcialmente) do orzamento de ingresos, utilízase o criterio de caixa de cada exercicio, sexa do exercicio corrente ou de exercicios pechados. De este xeito obtemos os seguintes importes:

- Dereitos recoñecidos netos.....6.285.049,36
- Recadación líquida (exercicios corrente e pechados) .....4.841.607,07
- Axuste (maior déficit en contabilidade nacional).....1.443.442,29

2. **Tratamento das entregas a conta de impostos cedidos, do fondo complementario de financiamento e do fondo de financiamento de asistencia sanitaria:** en contabilidade nacional estes pagos rexístranse no periodo no que se pagan, e a liquidación definitiva resultante, no momento en que se determina a súa contía e se satisfai. Os dereitos recoñecidos netos destes conceptos correspóndense coas entregas a conta mensuais (xaneiro a agosto de 2012), o anticipo do 50% da liquidación estimada do exercicio 2010 e a liquidación definitiva do exercicio 2010, todos eles ingresados nos primeiros trimestres de 2012. Non obstante, é necesario precisar que a entrega a conta do mes de setembro foi ingresada con data 4 de outubro de 2012 polo que a 30 de setembro unicamente están recoñecidas 8 das 12 entregas a conta que se van a satisfacer no exercicio, xerándose un desfase temporal que se corrixe no mes de decembro ao pagarse as entregas de dúas mensualidades (novembro e decembro). Para acadar unha homoxeneidade entre a información a 31 de decembro (no que se van a ter en conta 12 mensualidades) e a de 30 de setembro (na que temos contabilizado 8 mensualidades pero deberíamos de considerar 9), considérase como magnitude en Contabilidade Nacional a recadación neta total, tanto de exercicio corrente como de exercicios pechados, incrementado pola mesualidade do mes de setembro de 2012.

3. **Consolidación de transferencias entre administracións públicas:** Tódolos dereitos recoñecidos por transferencias correntes e de capital contabilízanse polo criterio do recoñecemento do dereito simultáneo ao cobro efectivo, non existindo dereitos recoñecidos pendentes de cobro a 30 de setembro de 2012.

Exceptúanse do criterio xeral anterior as cantidades debidas polos Concellos e os dereitos recoñecidos rexistrados nos conceptos 76200 e 76205 (Tranferencias de capital de Concellos).

Tendo en conta que en contabilidade nacional deben respectarse os criterios de contabilización aos que está suxeito o pagador da transferencia, considéranse exclusivamente os importes efectivamente recadados nos tres primeiros trimestres de 2012 por dereitos recoñecidos en dito exercicio ou en exercicios anteriores.

4. **Ingresos obtidos do orzamento da Unión Europea:** Nos ingresos obtidos pola corporación como destinataria final dos fondos comunitarios, ao xestionar proxectos cofinanciados pola Unión



Europea, o momento do recoñecemento dos fondos en contabilidade nacional é o da remisión pola Corporación da certificación do gasto ás unidades administradoras, é dicir, o importe resultante de aplicar a porcentaxe de financiamento que corresponda co gasto certificado e remitido á unidade administradora.

O desglose das certificacións remitidas durante os tres primeiros trimestres de 2012 relativos aos proxectos financiados con fondos europeos é como sigue:

| PROXECTO       | Importe certificado e xustificado ata 30.09.12 | % de financiamento | Importe s/ contabilidade nacional |
|----------------|--|--------------------|-----------------------------------|
| Proxecto LUGO2 | 70.941,03                                      | 70,00 %            | 49.658,72                         |
| <b>TOTAL</b>   | <b>70.941,03</b>                               |                    | <b>49.658,72</b>                  |

5. **Tratamento dos xuros en contabilidade nacional:** rexe o principio de devengo, de xeito que deberán incorporarse os xuros devengados nos nove primeiros meses de 2012, tanto vencidos como non vencidos. Todos os xuros recoñecidos no orzamento de gastos no citado período correspóndense con xuros devengados e vencidos no exercicio, agás os relativos á:

- Operación de préstamo formalizado co BBVA (Nº préstamo: 9542679956) no que o importe vencido a 31/07/2012 (49.282,14 €) correspóndense con xuros devengados no periodo de 1 de agosto de 2011 a 31 de xullo de 2012. Por outra banda os xuros devengados entre 1 de agosto de 2012 e 30 de setembro de 2012 terán como data de vencemento o 31 de xullo de 2013.

| PRÉSTAMO          | CONTABILIDADE ORZAMENTARIA (capítulo 3) | CONTABILIDADE NACIONAL | AXUSTE (+ MENOR DÉFICIT/ -MAIOR DEFICIT) |
|-------------------|---|------------------------|--|
| BBVA (9542679956) | 49.282,14                               | 34.099,94              | 15.182,20                                |
| <b>TOTAL</b>      | <b>49.282,14</b>                        | <b>34.099,94</b>       | <b>15.182,20</b>                         |

6. Non existen investimentos realizados polo sistema de “abono total do prezo” ou realizados por conta da Deputación, nin percepción de dividendos ou participación en beneficios. Tampouco houbo operacións de permuta financeira, nin operacións de execución e reintegro de avais, nin aportacións de capital a empresas públicas no exercicio, nin asunción ou cancelación de débedas de empresas públicas provinciais, nin gastos realizados no exercicio e pendentos de aplicar ao orzamento de gastos da corporación local.

▪ **Nos datos do Inludes** (preséntase no anexo 2 o resumo dos importes que se tiveron en conta aos efectos de contabilidade nacional do orzamento de ingresos)

1. **Rexistro en contabilidade nacional dos impostos, cotizacións sociais, taxas e outros ingresos:** para os ingresos contabilizados nos capítulos I, II e III do orzamento de ingresos, utilízase o criterio de caixa de cada exercicio, sexa do exercicio corrente ou de exercicios pechados. De este xeito obtemos os seguintes importes:

|  |            |
|--|------------|
| - Dereitos recoñecidos netos.....                          | 122.659,31 |
| - Recadación líquida (exercicios corrente e pechados ..... | 122.910,26 |
| Axuste (menor déficit en contabilidade nacional).....      | 250,95     |

2. **Tratamento das entregas a conta de impostos cedidos, do fondo complementario de financiamento e do fondo de financiamento de asistencia sanitaria:** non existen no INLUDES ingresos nesta categoría

3. **Consolidación de transferencias entre administracións públicas:** Tódolos dereitos recoñecidos por transferencias correntes e de capital exceptuando as procedentes da Unión Europea contabilízanse polo criterio do recoñecemento do dereito simultáneo ao cobro efectivo, non existindo dereitos recoñecidos pendentes de cobro a 30 de setembro de 2012 do exercicio corrente.

Tendo en conta que en contabilidade nacional deben respectarse os criterios de contabilización aos que está suxeito o pagador da transferencia, considéranse exclusivamente os importes efectivamente recadados no período, coa excepción da aportación procedente da Deputación de Lugo.

Constatados os datos coa Deputación de Lugo, no caso da Deputación figuran obrigas recoñecidas cara o INLUDES por valor de 7.722.622,60 euros e no caso de INLUDES figuran dereitos recoñecidos por 5.791.966,94 €, polo que é preciso a realización dun axuste positivo para pasar do déficit ou superávit orzamentario ao déficit ou superávit de contabilidade nacional, por importe de 1.930.655,66 €.

4. **Ingresos obtidos do orzamento da Unión Europea:** Nos ingresos obtidos pola entidade como destinataria final dos fondos comunitarios, ao xestionar proxectos cofinanciados pola Unión Europea, o momento do recoñecemento dos fondos en contabilidade nacional é o da remisión pola Corporación da documentación do gasto ás unidades administradoras, é dicir, o importe resultante de aplicar a porcentaxe de financiamento que corresponda co gasto certificado e remitido á unidade administradora.

O desglose das certificacións remitidas durante os tres primeiros trimestres de 2012 é como sigue:



| PROXECTO                                       | Importe certificado e xustificado no 2012 | % de financiamento | Importe s/ contabilidade nacional |
|--|---|--------------------|-----------------------------------|
| Proxecto Innova-TE                             | 1.531.440,56                              | 70,00 %            | 1.072.008,40                      |
| Proxecto "Lugo-Pacto Provincial por el Empleo" | 1.626.702,77                              | 80,00 %            | 1.301.362,22                      |
| Proxecto PARNETIC                              | 35.688,87                                 | 75,00 %            | 26.766,65                         |
| <b>TOTAL</b>                                   | <b>3.193.832,20</b>                       |                    | <b>2.400.137,27</b>               |

5. **Tratamento dos xuros en contabilidade nacional:** non houbo no exercicio operacións relativas a esta categoría.

6. Non existen investimentos realizados polo sistema de "abono total do prezo" ou realizados por conta do INLUDES, nin percepción de dividendos ou participación en beneficios. Tampouco houbo operacións de permuta financeira, nin operacións de execución e reintegro de avais, nin aportacións de capital a empresas públicas no exercicio, nin asunción ou cancelación de débedas de empresas públicas, nin gastos realizados no exercicio e pendentes de aplicar ao orzamento de gastos da entidade.

▪ **Nos datos do Consorcio:**

1. **Consolidación de transferencias entre administracións públicas:** *Constatados os datos coa Deputación de Lugo, no caso da Deputación figuran obrigas recoñecidas cara o consorcio por valor de 2.152.540,67 euros e no caso de consorcio figuran dereitos recoñecidos por 1.355.543,10 €, polo que é preciso a realización dun axuste positivo para pasar do déficit ou superávit orzamentario ao déficit ou superávit de contabilidade nacional, por importe de 796.997,57 €.*

Non se considera necesario a realización de mais axustes para a adaptación dos importes iniciais a contabilidade nacional.

**Tendo en conta todas as consideracións anteriores realízanse os axustes e preséntase a información consolidada en termos de contabilidade nacional, de acordo coa definición contida no sistema europeo de Contas Nacionais e Rexionais:**

**LIQUIDACION A 30/9/2012 S/ CONTABILIDAD NACIONAL**

|                                      |        | DEPUTACIÓN           | INLUDES              | CONSORCIO BOMBEROS  | AXUSTES POR TRANSFER. INTERNAS | TOTAL                |
|--------------------------------------|--------|----------------------|----------------------|---------------------|--------------------------------|----------------------|
| I<br>N<br>G<br>R<br>E<br>S<br>O<br>S | CAP. 1 | 4.439.565,58         | 0,00                 | 0,00                | 0,00                           | 4.439.565,58         |
|                                      | CAP. 2 | 2.852.726,64         | 0,00                 | 0,00                | 0,00                           | 2.852.726,64         |
|                                      | CAP. 3 | 2.282.294,87         | 122.910,26           | 0,00                | 0,00                           | 2.405.205,13         |
|                                      | CAP. 4 | 45.255.401,02        | 9.317.117,25         | 3.209.952,96        | -9.875.163,27                  | 47.907.307,96        |
|                                      | CAP. 5 | 546.942,20           | 47.843,16            | 1.128,22            | 0,00                           | 595.913,58           |
|                                      | CAP. 6 | 539.790,25           | 19.133,85            | 0,00                | 0,00                           | 558.924,10           |
|                                      | CAP. 7 | 1.743.642,64         | 1.072.008,40         | 0,00                | 0,00                           | 2.815.651,04         |
|                                      | CAP. 8 | 179.722,10           | 28.950,00            | 0,00                | 0,00                           | 208.672,10           |
|                                      | CAP. 9 | 634.748,71           | 0,00                 | 0,00                | 0,00                           | 634.748,71           |
| <b>TOTAL</b>                         |        | <b>58.474.834,01</b> | <b>10.607.962,92</b> | <b>3.211.081,18</b> | <b>-9.875.163,27</b>           | <b>62.418.714,84</b> |

|                            |              | DEPUTACIÓN    | INLUDES              | CONSORCIO BOMBEROS  | AXUSTES POR TRANSFER. INTERNAS | TOTAL                |
|----------------------------|--------------|---------------|----------------------|---------------------|--------------------------------|----------------------|
| G<br>A<br>S<br>T<br>O<br>S | CAP. 1       | 12.003.339,93 | 2.486.431,52         | 15.248,43           | 0,00                           | 14.505.019,88        |
|                            | CAP. 2       | 6.272.574,74  | 1.052.143,17         | 2.141.103,95        | 0,00                           | 9.465.821,86         |
|                            | CAP. 3       | 608.932,79    | 0,00                 | 0,00                | 0,00                           | 608.932,79           |
|                            | CAP. 4       | 21.710.785,51 | 279.832,66           | 0,00                | -9.875.163,27                  | 12.115.454,90        |
|                            | CAP. 6       | 13.688.387,37 | 4.711.260,49         |                     | 0,00                           | 18.399.647,86        |
|                            | CAP. 7       | 2.694.133,40  | 50.296,88            | 0,00                | 0,00                           | 2.744.430,28         |
|                            | CAP. 8       | 180.240,00    | 38.000,00            | 0,00                | 0,00                           | 218.240,00           |
|                            | CAP. 9       | 7.442.751,88  | 0,00                 | 0,00                | 0,00                           | 7.442.751,88         |
|                            | <b>TOTAL</b> |               | <b>64.601.145,62</b> | <b>8.617.964,72</b> | <b>2.156.352,38</b>            | <b>-9.875.163,27</b> |

**SALDO ORZAMENTARIO NON FINANCIERO:**

|  |               |               |              |               |               |
|--|---------------|---------------|--------------|---------------|---------------|
| TOTAL INGRESOS NON FINANCIEROS (capítulos 1 a 7) | 57.660.363,20 | 10.579.012,92 | 3.211.081,18 | -9.875.163,27 | 61.575.294,03 |
| TOTAL GASTOS NON FINANCIEROS (capítulos 1 a 7)   | 56.978.153,74 | 8.579.964,72  | 2.156.352,38 | -9.875.163,27 | 57.839.307,57 |
| NECESIDADE / CAPACIDADE DE FINANCIAMENTO         | 682.209,46    | 1.999.048,20  | 1.054.728,80 | 0,00          | 3.735.986,46  |

Dos datos extraídos segundo o procedemento anterior, a nivel consolidado, obsérvase que se atende ao principio de estabilidade orzamentaria producíndose unha capacidade de financiamento, xa que a suma dos ingresos non financeiros (en adiante INF), capítulo I a VII do Orzamento de ingresos é superior á suma dos gastos non financeiros (en adiante GNF), capítulo I a VII do Orzamento de gastos:





- INF (Capítulo I a VII):..... 61.575.294,03 €
- GNF (Capítulo I a VII): ..... 57.839.307,57 €
- Diferenza..... 3.735.986,46 € (+ capac. de financ./- necesidade de financ.)**

A capacidade de financiamento cifrada en 3.735.986,46 € ven determinada pola suma e consolidación do déficit/superávit que a nivel individual presentan:

- Deputación de Lugo ..... 682.209,46 €
- Inludes..... 1.999.048,20 €
- CONSORCIO BOMBEROS ..... 1.054.728,80 €
- TOTAIS..... 3.735.986,40 €**

#### 4. CONCLUSIÓNS.

---

**Primeira:** Emítese o presente informe coa finalidade de avaliar o obxectivo de estabilidade orzamentaria a 30 de setembro de 2012.

**Segunda:** A liquidación a 30 de setembro de 2012, a nivel consolidado, cumpre co obxectivo de estabilidade orzamentaria ao presentar unha capacidade de financiamento de 3.735.986,40 €, de acordo coa definición contida no Sistema Europeo de Contas Nacionais e Rexionais. A nivel individual, todos os entes analizados, cumpren tamén co obxectivo de estabilidade orzamentaria.

**Terceira:** En cumprimento do establecido no artigo 22.2 do REO e vista a solicitude de información da Xunta de Galicia, o presente informe de avaliación elevarase ao Pleno e remitirase á Dirección Xeral de Política Financiera e Tesouro da Xunta de Galicia.

Lugo, a 12 de novembro de 2012.

A interventora xeral,



Rosa Abelleira Fernández